

喙

鳴

詩

集

家鳴詩集目錄卷十五

七言絕句

送箕仲

贈袁問

送施氏赴高郵

春半

七夕病不赴會代呈二首

立春日雪

寄通州顧學博二首

寄客

雲中曲三首寄王君任明府

山中雜詠四首

遼東破虜歌七首

寶劍四首

後寶劍四首

史相墓下作

余祭酒公五柳莊

瑤池

愁

湘妃竹

吳王試劍石

高祖斬蛇劍

賈佩蘭出為段儒妻

藏鉤

蹴鞠

鞦韆

春日獨當壚

七寶避風臺

薛夜來

清夜游西園

愛妾換馬

採蓮曲

宮鬢

燕姬墮馬

春閨怨

探丸三首

酒人

燕姬墮馬四首

李元甫扶持歸蜀有行路難之感二首

扈從夕月還二首 闕下二首

贈曾翁二首 寄明成二首

折楊柳 錢塘潮歌

送張學博之彭澤

甲申九日上陵紀事七首

上客

紀客談

謝龍使君惠箋二首

阻淺聊城聞柳下鍛聲欣然忘去

酬少欽招張子盡

喙鳴詩集目錄卷十五終

喙鳴詩集卷十五

四明 沈一貫肩吾 著

七言絕句

曾 孫光燕子翼重校

送箕仲

微雨來過楚水前半帆
斜日挂疎烟他時明月應
相憶丁卯橋邊丁卯年

贈袁問

俠氣翩翩欲滿堂
吳中豪士盡持觴
知君早晚過
燕趙三尺魚腸七寶裝

送施氏赴高郵

花滿長安舊酒壚
揚揚新燕起平蕪
長淮五月江聲急
一片征蓬覩社湖

春半

宮樹陰陰燕子飛
初鶯學語曙光微
春風那得多情思
吹動笙歌滿帝畿

七夕病不赴會代呈二首

秋雲縹緲濕羅襦
搖落丹楓片片孤
不識常年靈鵲會
也曾病廢似儂無

燐燐雙星一水津似寒似煖夜如春縱然倍有清
光發不信今宵鮮照人

立春日雪

溶溶淡淡入梅花一日春光十萬家欲覓馬啼曾
印處又看飛絮淺籠沙

寄通州顧學博二首

海天霞起戍樓明盡日間門閉鳥聲絳帳風流應
不減諸生誰是鄭康成

大江南遶海陵長城上高樓近故鄉一夜西風吹

酒去錯教人認是錢塘

寄客

江雲浦月近何如
久負佳期水竹居
客比稭生尤甚懶
稭生尚有絕交書

雲中曲三首寄王若任明府

呼韓內款漢家關
鷗鶚橫秋探馬閑
多小邀勲劒裝客
闌回蹋鞠飲青山

旄竿長捲朔雲空
幕府酣歌少上功
幾處流移還塞上
高蹄白馬不弦弓

魏絳功奇不可憑雲中老將氣填膺屯田且莫歸
充國駁弩湏防下白登

山中雜咏四首

老樹橫溪穩作橋故人慣飲不須招白綸巾上青
山好日遣松風綠酒瓢

山田處處白雲飛流入溪田帶雨肥若使巢由辭
穎上更無人共飲牛歸

一鏡天開小着丘分明桂影月中留盡船載酒春
風遠笑指巖阿屋是樓

竹樹蕭蕭絕四隣
自嫌多事罷垂綸
飛鴻解識盟鷗渚
一道相呼下白蘋

遼東破虜歌七首

錦袍繡袷賜蕃州
驕虜名王悉漢侯
小醜自干天子劒
諸軍競飲月氏頭

伐鼓撻金劍有霜移
師聲罪發遼陽洗
兵鐵嶺江流赤
飲馬蒲河落日黃

都護親搴太白旗
建州轉戰勢尤危
一宵寶劒濟腥血
千里金山入凱詞

誰道秋高胡馬肥一呼辟易走重圍營州老將如
霜鵑飛度陰山攬虜歸

矢石先登韃韜城火星高照虎皮營饑鳶爭下陰
風急日暮啁啁哭鬼聲

露布星飛夜百巡甘泉宮外月如銀賈胡落盡貂
裘價暗泣西風白氍毹

諸將紛紛盡策勲主恩先拜霍將軍詔書催賜長
安第未減匈奴不敢聞

寶劍四首

予有寶劍遂以名齋
端居多暇賦詩見志

龍藻龜文賸有神十年磨洗色猶新男兒終自酬
明主此日千金未許人

博物張華不易逢蒼蒼那肯自摧鋒縱教繡鐵沉
秋草終有靈光射玉龍

含光承影說猶難宵練罕罕不足觀神物古來無
所用申佗容易借來丹

赤堇山開不可鑪若耶溪竭有銅無城量珠玉終
難見白日燕山狎狗屠

後寶劍四首

芙蓉壓陣百身輕
鷺鵒新膏照眼明
未死微軀終不惜
俱生殘虜敢衡行

髮指危冠氣拂膺
寒光飛遶萬山層
精于白日應堪蝕
勢決浮雲不敢凝

紫電騰雲馬足風
白虹如水射晴空
三邊略盡寧論勇
一匣歲來耻訟功

一任黃沙萬里氛
不迷赤土七星文
古來麟閣皆人見
今日龍泉掩舊聞

史相墓下作

落日低垂丞相阡狐狸穿冢出平田大碑已斷無
文字惟有山僧說歲年

余祭酒公五柳莊

莊中臺榭皆以歸去來辭中語命名故詩亦用陶事

獨占青山一曲湖種菱栽芡了官租門前五柳垂
清蔭不羨成都八百株

貴游無事屢通書書滿牀頭只舊題惟有王弘粗
解事一壺相見野亭西

諸生講肄近何如小洞深藏太史書誰欲起為州
祭酒白雲遙隔故人車

江湖風物醉還醒
日日山行復水行
縱是春來多
脚疾藍輿二子一門生

瑶池

七萃扶輪馬不勞
六宮齊唱白雲謠
侍臣誰為歌
如玉正值君王夢絳霄

愁

萱蔻花開戴勝飛
王孫芳草思依依
酒中短髮春
能白江上秋心夢是歸

湘妃竹

湘江水去不曾回
湘浦花飛亦不開
惟有斑闌竹
枝意年年留待鳳皇來

吳王試劒石

楓落吳王破楚門
青山猶詫鏌鋣痕
何來一片生公石
相對秋風老樹根

高祖斬蛇劒

泗上真人跨赤龍
澤中妖母泣芙蓉
大風捲盡秦雲白
落日魂來第幾峰

賈佩蘭出為段儒妻

珊瑚寶靨麝香脂語到深宮只自知一種春光天
上別看花休憶種花時

歲鈞

輝輝明燭絳紗陰小婢將來色已深鈞在儂邊人
不見見郎留眼忽輸心

蹴鞠

小桃微雨夜來香朝入鷄坊暮狗坊無賴楊花偏
解妬團風先占打球場

鞦韆

橋心花氣藹龍葱
王母朝來會漢宮
留得紅雲如掌大
高懸墻角領春風

春日獨當壚

十六橋心賣酒家
千金寶髻簇青鴉
少年狼籍都門甚
纔到壚頭手便叉

七寶避風臺

雙燕飛從公子來
微風嬌引玉衣回
自從七寶臺成後
落日蒼茫竟不開

薛夜來

同心錦帶併肩衣
夜夜裁雲剪雨歸
却笑天孫空巧絕
隔年纔得一停機

清夜游西園

公子風流甚愛才
西園冠蓋月明來
哀絃急管無停思
綠藻紅蕖盡酒杯

愛妾換馬

一夜寒蘆捲作船
紅顏落盡泣桃花
玉關不墮砧中淚
紫塞長憐馬上家

採蓮曲

繫船不定藕絲風蕩槳歸來並蒂紅欲向湖南尋
宿處鴛鴦驚起各西東

宮蠶

帝女桑稠織室溫露寒臺下浴金盆仙雲剪出誇
同伴吉日涓來獻至尊

燕姬墮馬

白馬驕嘶紫袖騫鸞釵低掠燕泥翻不羞合市羞
郎見背向春風拭淚痕

春閨怨

單于邸前一鴈低關山曲中雙玉啼
三
日花開
日落誰能萬里待遼西

探丸三首

俠曲崎嶇虎豹號五陵松柏氣蕭條
六街官鼓旗車度先向何人濕寶刀

驅車嫠婦不堪聞走馬孤城白日曛
漢網似天能貫汝吳鉤如雪不饒君

大堤裘馬意翩翩自號陽陵惡少年
更喜晨風生羽翼惟嫌秋水汙腥膻

酒人

香車轆轤少年春灞漣風光日夜新今日昌陽皆
自許阿誰真是酒中人

燕姬墮馬四首

燕京三月春色狂燕京女兒翻紫纒兒撞欄街笑
不住且坐低聲嗔玉郎

纔逢柳色人如醉每到春來馬自臆誰謂市畿平
似水石榴裙底四蹄驕

翠鸞點水濕金鞦寶燕銜泥上繡團抖擻紅塵從

市笑安排青眼侍郎看

風急楊花不自持
衆中羞殺紫金羈
郎君若愛青雲髻
明日新粧出早閨

李元甫扶侍歸蜀有行路難之感二首

青春辭直慙還鄉
一橐惟看寶劒裝
道路不知何許客
繡袍裊裊暗聞香

蜀道崎嶇千萬盤
板輿高度挾飛鸞
王陽坂上流雲濕
好為前車少駐鞍

扈從夕月還二首

太平周禮備西郊璧月娟娟靜白茅正值桂花新
露彩天風吹集五雲稍

青樓簾捲暮烟開寶馬紛從騎從田一路口脂聞
笑語月中親見聖人來

闕下二首

鍾聲纔動掖門開鵷鷺成行逐仗來紅旭未分青
瑣闥黃雲先上紫金臺

銀臺奏罷六科來左右糾儀御史回永額太平無
一事追隨諸老詠康哉

贈曾翁二首

高懸關輔碧油幢
美釀襄陽白玉缸
漢水入杯鸚鵡
武綠滿船賓客醉西牕

傲世正如堯仲武
承家還有漢文強
即無水上非熊載
豈乏山中宰相光

寄明成二首

江城小墅絕微塵
亂竹飛花作四隣
柱下幾年香案吏
壇前今日步虛人

棲霞寺裏發鍾聲
江總碑前候月行
此日松風吹

桂子何人攜手共題名

折楊柳

塞上長條三寸長
江南掃地有垂楊
誰人曾遣狂夫去
手把青萍自斷腸

錢塘潮歌

八月潮聲天上聞
莊亭樹影白紛紛
來為伍相祠前雪
去作嚴陵灘上雲

送張學博之彭澤

柴桑高士已千年
一片閒雲護秫田
君去不須辭

作苦王弘應送酒家錢

甲申九日上陵紀事七首

曉露初晞秋色晴千官齊着賜羅輕五年四扈朝

陵蹕馬首山川盡識名自庚辰至此上凡五謁陵一貫皆從豹尾中

其二新造五龍車御兩宮上側行前導

涓入新御五龍車慶靄雙環太上家夾道懽呼

天子孝黃麾前引一行斜

其二上甚敬祠其容有肅然

宮監朝開寢殿門祠官舉火拜稜恩九朝龍蛻

能風雨萬樹青松泣 聖孫

其四

定壽宮于大峪山 兩宮閣
畢為上賜酒著袍簪花

大峪山頭寶氣開 昭陵南望接瓊臺 雙瞻宮幄

開天上親為 君王揮勝迴

其五

宮中禮甚肅 至尊
上食 東朝必膝席

九龍池畔石欄干 淑水凝波白玉寒 昨日東朝

來駐輦 至尊親拜水晶盤

其六

長陵舊為康家
村康老墳尚在

落日深山康老墳 白楊秋雨亂紛紛 休嗟白骨今

無主龍耳猶煩問 聖君

其七

內甲三千人扈駕至涼水河馬驚相踐

法駕前驅疊鼓聞 內家組練疾如雲 都人莫犯橋邊蹕 天子新廻灞上軍

上客

趙女當壚繡紱光 天街小雨芰荷涼 樽前且莫歌金縷 上客春風語自香

紀客談

雲南水出瀘州下重慶至夔州刺數崖即可舟

滇池日夜注 瀘州巴樹黔雲送 客舟槌碎三峯通

禹貢平鋪秋水到荆丘

謝龍使君惠箋二首

素繭輝輝似水紋
青衣擎賜挾溪雲
江東若有王家在
當得羊欣白練裙

亂點飛鴉十萬箋
風流勝事已茫然
何時還却臨

池顧忽已生來五十年

岳先輩有云歐公學書在
半百外右軍亦自謂五十

三乃稱成書予年五十有二不敢以遲鈍自
棄竟成其志或將然乎予感其言故賦及此

阻淺聊城聞柳下鍛聲欣然忘去

數株官柳廕長溝
鎮日無人獨繫舟
似是當年中

散地鍛聲高度碧雲秋

酬少欽招張子蓋

桂樹飄香老更奇
春風蘭茝覆階齊
當年王謝雄江左
今日朱張領會稽



詩集卷十五

喙鳴詩集卷十五終

嘒鳴詩集目錄卷十六

七言絕句

寄渝中三老蘇雨蘇博張軒三首

衆樂亭

八月十三夜旱

嶺表方別駕午日寫葵艾榴花画以自遣為

題一絕

送客之秦

大梅山

送葉鄭朗游京師

贈金峨華上人

傅伯安侍御以母命來禮洛伽病留郡中子

亦病不果往賦贈三首

古意

湖上

杭州仁王院懷古
看潮曲

病卧浙江驛

題利國監驛壁

仲冬十八日余抵山東尚未冰雪遙憶閨中

代作寄遠一首

友人陳起綸客亡燕市哭之以詩二首

哭泰江

旅懷二首

代青樓觀內家葬二首

溽暑二首

柳

庭樹

楊柳枝詞

贈內家歌者

春別曲

楚懷王

楚襄王迎婦于秦

賈生二首

沛宮

蘇武

明妃

綠珠

張華

陳後主

隋煬帝

梁武帝

漢唐宋三太宗

馬卿

讀史記老子傳

疏廣

楊王孫

文信侯二首

釣臺

送遠

武林少年

廣陵春二首

送客之蜀二首

白苧辭

聽琴

夜宿野亭如聞丘中語

閨思三首

送遠二首

逢東征記室

懷無絃

哭句章公九首

香雲

懷衆樂亭

脫絛鳥

喙鳴詩集目錄卷十六終

喙鳴詩集

目錄卷十六

三

喙鳴詩集卷十六

四明 沈一貫肩吾 著

七言絕句

曾 孫光燕子翼重校

寄渝中三老蘇雨蘇博張軒三首

孤雲自遶蜀山飛也載天邊白鶴歸誰為續修霞
外史渝中三老近來稀

君平生計近如何小徑無塵自薜蘿月映峨眉疑
積雪照君白髮滿頭多

青城賣藥幾春秋松露灑灑洗白頭碧落侍郎相

見否為言懷喜在明州

衆樂亭

秘監祠前衆樂亭
澤蘭斜帶一天青
不須更乞君王賜
短艇微波醉復醒

八月十三夜旱

今年明月使人愁
誰忍開樽上小樓
若肯溶溶消作水
滿天禾黍盡知秋

嶺表方別駕
午日寫葵艾
榴花画以自遣為

題一絕

能將彩筆轉春風
翠葉丹花映酒紅
故國不須思
嶺外佳辰到處是天中

送客之秦

雪片飛時發
甬東梅花零落到新豐
西來無鴈通
消息何處春雲入轉蓬

大梅山

巖桂孤妍點綠苔
山磬綽約倚雲開
一從仙尉乘
風去多少青山也姓梅

送葉鄭明游京師

五陵飲博盡稱豪誰解揚雲賦反騷半世玄關空
自閉東風一日馬蹄高

贈金峨華上人

晨鐘暮鼓小庭閑惟有吾師不負山今日留連知
破戒一杯相送虎溪還

傅伯安侍御以母命來禮洛伽病留郡中子
亦病不果往賦贈三首

鵬翮曾聞勁九秋也隨鴿子過玄洲瞻依佛母黃

金座疑是斑斕映白頭

聞君家近阜鄉亭何不從他乞養生
大士前身原姓傳
秋風度海一杯輕

暫示維摩幻病身
欣留說法化時人
愧無弟子堪承遣
欲叩玄言未有因

古意

沉香亭子暫開門
芍藥雕欄幾斷魂
屏後已教心獨冷
堂前尚有目能溫

湖上

湖上佳山獨往頻
杖藜行水濕青春
客來坐久無

人迂一鶴飛來報主人

杭州仁王院懷古

笑語生香自昔年琵琶花月四時弦
黃金顏色都銷盡白玉毫光亦黯然

看潮曲

千艦萬艦逆潮來
鯨子為門鷺作堆
堤下唱歌堤上醉
看潮人待轉潮回

病卧浙江驛

江寒日暝鴈歸沙
雪裏芭蕉正着花
我寄郵亭三

日卧相應傳信到兒家

題利國監驛壁

利國監前楓葉飛臨城驛下晚烟微
晴雲東望無窮碧何日蕭蕭匹馬蹄

仲冬十八日余抵山東尚未冰雪遙憶閨中
代作寄遠一首

雙眉不掃鏡心空鎮日開牕候北風
聞道征衣猶未薄曉鐘斜月過山東

友人陳起綸客亡燕市哭之以詩二首

相見雖稀夢見頻飛蓬雙鬢入秋新君看陌上紛
紛鬼盡是長安失意人

杜宇魂飛不可招江天月冷暗河橋招君歸去君
歸未明燭三更坐正遙

哭秦江

小茁蘭芽最可憐空庭如水暗霜天不須更憶芳
菲日只記當時未種前

旅懷二首

愁心千文化為虹坐盡清秋燭影中此際何人伴

岑寂半牕殘月五更風

曲肱小几不須牀正是愁人醉卧鄉何處隣家吹
玉笛桑乾河外是漁陽

代青樓觀內家葬二首

主恩揮涕濕朝霞搖落西風素柰花猶記綠鬟初
覆額相將女伴選良家

匝地金錢化紙錢薤歌悲徹冷朝烟時人浪說生
男好縱死無如女可憐

溽暑二首

溽暑侵人百不宜
蘄州小簾劇相移
縱教雨後饒清賞
未及春風病起時

萍方開處嫌風少
葵欲傾時恨雨多
一種情懷俱未展
鬢髻雙鬢惱人何

柳

草色蔥芊綠漸疑
青門駿馬欲驕嘶
何時閉却關山道
閑殺河橋萬柳絲

庭樹

庭樹翻翻落漸稀
塞榆歷歷向南飛
萬家寒杵浮

秦地十月征人在武威

楊柳枝詞

桃李陰森滿道垂
片花飛去惜風吹
如何忍得青
青柳每遇行人贈一枝

贈內家歌者

重來樂府闌新聲
不是開元法部名
嘹唳流鶯啼
幾樹澹烟微雨故人情

春別曲

楊葉殷勤駐馬攀
楊花追送過前山
大刀將去平

胡虜也用回頭一省環

楚懷王

一別皋蘭去國門幾回
鄭袖掩啼痕三閭弟子工
哀些招得敬函萬里魂

楚襄王迎婦于秦

武關金鎖為誰開
秦女香車百兩來
新換一番雲雨態
應知無夢到陽臺

賈生二首

漢家天子說文皇
步輦朝回過未央
荏苒少年悲

賈傅侵尋白首歎馮郎

長沙莽莽夏原平澗芷汀籬識宦情記得宋忠移
手處一天新雨少人行

沛宮

車駕歸來飲沛宮歡呼父老驟兒童千秋萬歲蒙
湯沐學語先教歌大風

蘇武

十九年來客忘歸春來無夢遶庭幃不須更問羝
羊乳只有青天白鴈飛

望鄉臺下惜餘暉把酒河梁淚滿衣棄擲胡兒如
棄草惟憐都尉不同歸

明妃

鳴鐘清渭五雲遙解辮單于入漢朝武帝崩來纔
虎盡邊人爭說女嫖姚

綠珠

賈公車下走飛塵金谷園中及早春二十四君齊
下拜箇中誰識墜樓人

張華

浪說張公記問強
鷓鴣偶爾入平章
當時識劍須
雷令老去占星讓小郎

陳後主

六代豪華事已空
至今風月占江東
白伶續命詞
堪泣江令無愁曲最工

隋煬帝

一曲傷心玉樹花
南人纔唱北人誇
風流天子雖
亡國贏得人憐張麗華

梁武帝

降尊禮佛已多年纔直毗盧億萬錢親見今生弘
願果國城妻子一齊捐

漢唐宋三太宗

禁裏妖星拂劍紅寢中積雪斧聲雄如何三讓為
天子只有西京一太宗

馬卿

新製壚頭犢鼻褌東風吹動酒花渾丈人安坐深
深宅佳倩年來學倚門

讀史記老子傳

韓信雖曾羞絳灌老聃終不却韓非千年萬載人
間事付與青雲歷亂飛

疏廣

太傅歸來有賜金徜徉桑柘酒杯心今朝上巳尋
原淺來日清明入塢深

楊王孫

王孫家近樂游原一食纔須十萬錢不管北邙山
下路白楊寒雨宿深烟

文信侯二首

天上曾聞龍出戲人間亦有燕飛迴玉鷄啼徹陳
倉曉野雉何緣不夜來

百二山河屬異人邯鄲一笑已亡秦黃金鑄就封
侯印仲父無功却有親

釣臺

落日扁舟訪釣臺青溪紅樹獨徘徊樵夫語我江
天暗無可久留歸去來

送遠

送爾春江落照明西山遙指片雲生也知明日當

為雨且盡今朝一日晴

武林少年

青樓結伴飲屠蘇
柳市潛行聽鷓鴣
已送浪花歸極浦
還教明月過西湖

廣陵春二首

十里樓臺樹樹花
蘭風淡蕩起平沙
清歌拂檻雲難去
妙舞臨軒月易斜

覆額青鬟小鈿明
茶蘼亭子坐吹笙
不知他日同誰死
巧學花前笑語人

送客之蜀二首

十二峰頭樹幾章
朝來虎跡有微霜
但看山色渾無賴
何必猿聲始斷腸

琵琶送酒為君彈
劍葉生霜發曉寒
似此出門猶不易
堪知蜀道古今難

白苧辭

昨夜秋風薄綺羅
今朝白苧不成歌
可憐烏鵲思歸急
爭得仙郎無渡河

聽琴

滿引瀟湘向北流
畫堂蕭瑟起邊秋
主人頻顧燈前影
清却閒心只是愁

夜宿野亭如聞丘中語

曉月梅花歛黛回
寒笳梧葉寄聲來
更嫌春雨常含妬
遮斷韶華簇草萊

閨思三首

山上山來知幾重
路傍路去悄無蹤
縱能日報平安信
翠黛長顰不啟封

菱花初日照人空
妝罷臨軒數落紅
不得東風花

不發花飛猶自怨東風

妾自傷心怨月低黃鶯何事亦嬌啼不禁含妬將
九打定有東風暗向西

送遠二首

湖水泱泱曉問津關鷄喔喔送征輪陌頭大有行
人在休怨西風老白蘋

江鳥如烟亦送春江花似水逐時新雲光雨色無
非客獨倚青山作主人

逢東征記室

飄零書劍遠從軍
掩袖龍蛇隱暮雲
不是江淹才藻盡
年來馬上不論文

懷無絃

落日空林優鉢開
雲光水色照荒臺
昔從白馬馱經去
今伴玄猿獻果來

哭句章公九首

小榭微涼噪暮鴉
羈人愁絕掩梨花
書來千里人難諱
泣盡寒星月影斜

芙蓉江水十長汀
照見梁鴻處士星
花向東飛無

片在天浮平楚一孤亭

雖將白髮隱壺關
賸有青雲護世間
問字舟開攬
明月詠風堂
放對南山

一樽諧笑五湖春
八代風流古逸民
百首詩成杯
落手中山雷雨颯精神

從此斯文失主盟
海鷗飛去不留情
可憐櫟社長
橋月曾照詩翁散髮行

江城倚棹暮鐘遲
解劒西亭照別離
九轉迴腸齊
斷却恨余應忘大招詞

僧院魂飛寄客哀
門前白馬幾人來
江村生計萊
妻給海內封書驥子開

宅畔深溪綠雨稠
酒旗高捲瑞光樓
一從痛哭羊
曇路自此它山不可游

南塘路水夜來添
北渡潮痕亦易淹
惟有青山終
不語回風黃葉暮纖纖

香雲

香雲藹藹度春幃
歌處凝來舞處飛
西海月沉渾
未醉東方霞起乍言歸

憶衆樂亭

衆樂亭前湖水清
賀公祠下洞簫聲
吳鷺無力能相借
越鳥逢秋只自驚

脫絛鳥

一解青絛向碧空
雙睛無復顧雕籠
獨難忘却黃花意
會有瑤環報主翁

嘯鳴詩集卷十六終

琴鳴詩集目錄卷十七

七言絕句

城隅僧

望東師消息

七夕

塞上曲二首

征人回

富春江

題北關僧壁同余太史陳翰編

大風

哭賈開府

都護三首

觀楊叅戎奕

長安

懷陸無從三首

泛溪

少年

觀獻熟

題留侯祠

題画

疊石

甲辰七夕

贈本寧

香山公主輓歌三首

平播軍中歌八首

院院

相逢行

漂母祠

顧塘橋

賀監祠旁鄒太守淑興作樓與郡人觀龍舟

余聞而賦二首

送家眷人回寄四首

於道院題千葉榴花

寄贈所知

發潞河八首

聽琵琶

揚州作

登揚州塔望金山寺

杭州故知飲別

題虞長孺湖上居二首

還鄉酬父老二首

酬諸僧來迎

招繆山人二首

贈張丹石先生

送西使

漁翁

金中丞白髮

題淮南主人壁

僧關漫題

霍山人遣使訊余山中却寄二首

詠古四首

觀競渡二首

八月十五日西山歸

贈遷客三首

嘯鳴詩集目錄卷十七終

喙鳴詩集卷十七

四明 沈一貫肩吾 著

七言絕句

曾 孫光燕子翼重校

城隅僧

踈籬小院鎖烟霞
隨意庭前散雪花
試問曾飛何處
錫笑言流水是余家

望東師消息

葭莢蒼蒼白露微
東方日出五雲飛
經旬未得扶
餘信聞道宮中夜攬衣

七夕

酒闌曲盡曙星高
望裏銀河隱白濤
欲問天孫夜來事
遙瞻雲際有歸毛

塞上曲二首

關門榆樹長
初芽南鴈歸
來淺磧砂
總為春光饒
客淚添將
河水發桃花

寒衣裂盡
望春衣長
恨閨中倦
理機誰料
閨中還
有恨
年年貪戰
不言歸

征人回

風從鷄鹿塞邊來
人向梅花曲裏迴
首看成林堪繫
馬石榴為障好登臺

富春江

綠轉青迴似若邪
蘭橈終日亂荷花
一江貯得春如海
合把漁竿薄漢家

題北關僧壁同余太史陳翰編

雲光似水瀉簷牙
冷入重裘密掩紗
只讓雪花多結子
誰憐群燕不開花

大風

大風吹塵入紫雲手驅青羊百萬群但使明君諧
吉夢不愁逋客有移文

哭賈開府

好在華顛塞上翁十年謀國氣如虹履聲縱遠人
能識笛韻不留悲晚風

都護三首

都護嚴裝出武威青山匹馬耀朱旂弓隨曉月行
邊樹箭沒寒雲落虜圍

明主今猶說李齊白猿持劒擁安西花間緩帶調

鸚鵡遙識前山探馬嘶

詔書新賜五時衣諸將齊衝百道圍駟象總馱金字去毒龍還負錦帆歸

觀楊叅戎奕

將軍已見太平時幕府何勞肆六奇耐可酖酖三盞酒更須搶攘一枰棋

長安

長安過雨似江南細草蒙茸弱柳纖乍軟東風馳煖信初青西嶺露香尖

懷陸無從三首

錦纜河邊落照明玉鉤
斜畔葛衣輕漁師閑弄誰
家水短唱長歌自稱情

旭日平山古寺西
連年種柳鬱成堤
春風已老黃鸝澁小樣壺瓶合自提

陸子平生獨好修
年來足疾可能瘳
已多零落山礬友且為瓊花忍死留

泛溪

巖邊明月依人住
石上流風拂水還
酒向漁豎浮

曲沚歌從樵斧答空山

少年

半醒半辣身邊酒非笑非啼眼底花醉後暫依劉
碧玉醒來還覓宋容華

觀獻熟

小隊黃旗肅肅排園官擎入正門開上林珍味饒
瓜菓不遣紅塵萬里來

題留侯祠

留侯祠宇夜生光我昔維舟肅禱香林外有芝皆

是紫橋邊無石不疑黃

題畫

中原幾度見興亡有客登臺弔戰場不道漁樵亦
多事坐移流水論斜陽

疊石

小石離披轉蕙風畫簾長日問愚公生平多少看
山興都付憑闌一晌中

甲辰七夕

來鴻初節暑猶深渡鵲佳期月有陰天上正逢停

杼日人間應慰乞靈心

贈本寧

二十四年花外別三千里路雪中來相逢不信秋
霜珮一語方知皎日開

香山公主輓歌三首

瑤池降鶴倚珠玕仙禁名花映掌寒哀絳一聲雲
影散霓裳遙向月中看

薊丘風幕慘雲軒西關天門葬婺星楚些入秋聲
最急一時詞苑吊湘靈

正是人間少女風方來倏去有無中不能匝歲留
金屋早向高原構玉宮

平播軍中歌八首

杜鵑花染蜀溪紅司馬門開號令風一騎天書馳
寶劍萬山負弩過巴東

毒龍何用鼓妖氛無賴谿山老虎軍殺虎手強能
倒壑屠龍技巧慣摧雲

大刀都護捷能飛匹馬衝開百道圍却恨夜郎堤
下路月明多少夢魂歸

瀚海樓船昨日還
詔書十道促平蠻
龍溪月墮朝披棘
蛇囿雲迷夜斬關

張飛塢畔石榴香
李白河邊艾葉長
角黍高堆紅瑪瑙
諸軍齊賽武安王

海龍懸阻絕千山
地虎咆哮選百蠻
不道河魁神力大
殿乘雲霧下重關

六月六日苦竹西
赫曦光中騰絳霓
小巘石壁早破裂
蠻兒空向渝烟啼

播州留守自乾符
宣慰曾誇身手無
好逐當年蜀

天子月朗含血啼烏

院院

院院聞鳩各有聲一邊啼雨一邊晴花枝自領春風意拂檻臨流月正明

相逢行

燕子何須笑百勞西東萬里一鴻毛乍看蘆葉悲羌管忽見芙蓉顧寶刀

漂母祠

何處堪稱高敞村萬家今見幾家存淮陰若少千

金贈漂母曾無一飯恩

顧塘橋

顧塘橋畔宅如何慙愧荒村春夢婆獨喜遺書收
得在今人猶解說蘇過

賀監祠旁鄒太守淑興作樓與郡人觀龍舟
余聞而賦二首

夕陽簫鼓賀祠前水戲如梭織紫烟太守與人方
共樂杖藜一老欲僊僊

明時賜詔得抽簪少日經過感念深擬向衆中騎

馬去眼花先墮水中心

送家眷人回寄四首

一番人轉一番啼知汝登舟日未西
昨夜垂楊曾濯濯今朝芳草更淒淒

長時憂國涕闌干何事翻愁去國難
天語人言交卸內舟中兒女憶長安

老來無數苦心腸久擬收羅施梵王
貝葉經中流涕淚絕勝閑灑向垂楊

登樓雲樹澹無依似向芝溪杖策歸
目送征鴻飛

冉冉不知今夜宿何磯

於道院題千葉榴花

晴光面面擁丹霞
煉就山中萬斛砂
不向春風爭結子
最宜秋雨獨開花

寄贈所知

陌上相逢揖馬鞭
清風汎汎五樓前
寧知萬里江門外
遙見香爐生紫烟

發潞河八首

秋水薰葭萬里平
片帆開處潞河清
逍遙拄杖堪

來去惟有青門是隔生

北鴈初飛近浦煙南冠乍喜賦歸田相將一路為
賓主共適堯時浩蕩天

游岳高情老不如息雲生計未全踈太平時節鯨
波息徑入三山祇一渠

杖屨歸來已後春獨憐秋色淨無塵遙知掃徑開
關者正及黃鷄白酒晨

夢裡歸家未當歸今朝應不挾魂飛蓼花兩岼齊
迎櫂楓葉千江盡撲衣

少伯當年東適齊，季真垂老入秦稽。只今鏡水看
余渡，隻羽脩脩明月低。

懶雲收雨度西山，倦鳥思林薄暮還。羽扇朝揮溪
月冷，綸巾時挂海雲間。

古事惟應牧者知，青山斜日論興衰。纔逢鐵馬金
戈會，便唱閑花野草詞。

聽琵琶

天關直北是居庸，夜半期門紫翠重。遂有春聲傳
樂府，琵琶宛轉唱黃龍。

揚州作

更灣啼鳥數徘徊
花觀飛霞次第開
老眼即今如霧裡
猶勝秉燭夜深來

登揚州塔望金山寺

聞道西靈塔可登
獨携短策上高層
湖風此夕過玄度
江月明朝照惠能

杭州故知飲別

隱侯花鳥最多情
謝眺江山思亦清
杯酒平原才十日
盡橋流水正三更

題虞長孺湖上居二首

慧遠隣家白版扉
讀書聲挾紫雲飛
晚鐘已定無燈火
萬里江湖一少微

珠林寶氣肅氤氲
金粟秋毫五彩文
何日晨鷄來白社
粘花分與萬山雲

還鄉酬父老二首

昔人曾詫遼陽鶴
今我還如緱嶺笙
遶郭人民強半在
深山草木不須驚

父老逢余西候亭
別來長語不堪聽
黃河淚瀉三

千丈白雪頭餘數點星

酬諸僧來迎

賀監當年歸四明
雲霞侶伴喜相迎
我今無德追前輩
慙愧諸公拄杖情

招繆山人二首

欲與山翁覓白雲
孤鴻何事杳離群
家家見月皆求伴
處處看花定憶君

我家住在細湖頭
綠水晴波穩白鷗
谷口西風樵子
荅江心斜日酒人游

贈張丹石先生

先生最愛杖藜游老去經時守一丘
歲月無情流水急向來酒伴幾人留

送西使

三月桃花不辭顰微微含笑送征輪
陽關西去無桑落縱有葡萄不醉人

漁翁

白雲長傍海鷗東蘿月能清桂子風
幽夢總拋孤艇外機心猶隱釣絲中

金中丞白髮

可憐庾亮辭開府遂有西風感髮莖
纔向芙蓉劍邊落俄從楊柳笛中生

題淮南主人壁

昔年巢燕至今存知是烏衣幾代孫
最喜神仙遺跡好淮南鷄犬數家村

僧關漫題

持鉢巡門五指開香雲深掩妙高臺
誰家說法歸來晚驚起池邊宿鳥廻

霍山人遣使訊余山中却寄二首

欲與山人覓白雲
春風何處起芳芬
洪厓忽枉天邊訊
洞壑深陰歷歷聞

鴈蕩崔巍若箇攀
朝聞梅子度霞關
閉門長日蒼苔合
已有飛雲過萬山

詠古四首

驅石為梁真壯圖
秦皇遺事古今無
滄波若逐童男棹
黃石何言孺子符

大風捲盡四方雲
亭長歸來不避秦
寫取城闌作

圖畫放將鷄犬認比隣

蜀道行行不厭難年來賣酒向長安
白頭人老君知否短竹長江風雨寒

病肺相如但著書含毫欲腐意何如
有材不肯干明主只為長門代起居

觀競渡二首

群龍如織吼雷聲六鷁風高且避輕
水戰已收山影落斜橋曲港賀昇平

老去今非競渡才乘閑偶向呂梁來
蘭漿菊醕都

傾盡更就田家濁酒杯

八月十五日西山歸

十八曲前秋日微
四丫叉上片雲飛
青山兩岼桂
花發載得滿船明月歸

贈遷客三首

莫唱尊前行路難
白雲幽谷共深寒
三秋見月長
懷恨一日逢春亦未歡

瘴鄉六月雨能寒
遷客絺衣怯晚單
不度五谿天
不曉是誰猶說夜郎難

停輪解帶且銜觴習習清風雪滿堂來夜月明何
處夢村橋沽酒一空囊

喙鳴詩集卷十七終

喙鳴詩集目錄卷十八

七言絕句

游仙詩一百一首

喙鳴詩集目錄卷十八終

喙鳴詩集

目錄卷十八

喙鳴詩集卷十八

四明 沈一貫肩吾 著

七言絕句

曾 孫光燕子翼重校

游仙一百一首

仙人多暇獨吹笙
醉引松風作鳳鳴
萬里天高秋水碧
不知身在幾重城

九光芝軟拂虹霓
四照花繁壓石低
靜夜月明何處夢
青雲關外紫都西

使者新從西極來
仙人曲宴海東回
高樓左席遙

相待紅杏碧桃無限開

商山亦有五芝光
衡岳還聞半芋香
不是仙家尊太上
誰能憐我鬢蒼蒼

煮石山中好自娛
釣璜水上亦何須
迷花近浦看歸燕
病酒前溪趁浴鳬

山中歸去葉初乾
水上行來醉不寒
自信此身生羽翼
惟憐神武掛冠難

夢裏風雲肘後輕
覺來猶向漆園行
若非蝴蝶深意
便是蜉蝣楚楚情

既辭榮祿出金門正可迂徐學灌園何必稱提少
年事九龍朱憶絳霓旂

芙蓉城闕俯朝霞桐柏真人轉六車一語未終天
眼碧重來何處覓桃花

壺公自詫能逃世薊子無煩又歷家獨坐黃庭經
一卷滿林瑤棗夜開花

仙人控鶴起冲霄使者乘龍復見招天上尊官難
偃蹇人間山水易逍遙

宇宙堪容一赤身体漿罷粒始稱人若教車馬紛

龍象使用文章感鳳麟

適觀銅狄共摩娑
俄見桑田起白波
秘藥祈靈咨玉兕
仙燈結蕊問金鵞

老來不便把書看
閑坐踈簾竹掃壇
一七神樓嗤李翼
萬年鴻寶笑劉安

風流仙子好吹簫
目送青禽返沕寥
倦卧無窮門外草
誰能枯槁坐山椒

蝸角因緣總息機
龜毛生計亦知非
胡麻爛煮凌寒粥
薜荔寬裁却水衣

太上乘龍西化胡遙煩玉女送青芻牛車紫氣留

秦谷羊肆金花散蜀都

老君

帝入崆峒問廣成傳鸞委鵠順風行至今石室無人處草木蒼蒼日月明

廣成子

我笑王倪三不知谷虛人靜好同誰窮年寄傲華胥國浪得人呼作帝師

王倪

仙師新戴玉芙蓉羽節霓裳十萬重細結心苞生紫絡牢收真氣走飛龍

關尹子

子晉吹笙作鳳鳴浮丘持手陟神京歸來喜見時

人在不似遼東空故城

王子晉

彭祖樓前秋色深
棹歌聲斷夕陽沉
不知萬里流沙外
亦自青天明月心

彭祖

神龜長為廟堂謀
涸鮒猶懷斗水憂
獨愛娟娟蝴蝶去
從他黃雀住枝頭

莊子

移山莫道愚公拙
逐日休嗟夸父勞
我自乘虛歸鄭圃
微風吹軟素雲袍

列子

雲夢先生採藥還
青溪二子落人間
春花秋露都

飛盡誰復回車訪
故山

鬼谷

賣藥蘭陵東入吳斜陽衰草聽啼鳥寒江似帶猶

嫵濶劍氣如虹燭五湖

范少伯

千金買馬築高臺爭說燕王惜駿才遂有風雲玄
感合斑麟白兕亦東來

燕昭王

岱宗半夜曉鷄號不及萊陽大小勞棄舄阜鄉亭
子下一雙赤腳穩凌濤

安期生

不禁沅電促人生遂度玄洲戲赤城一種仙茅三
脊異江東從此著山名

茅濛三茅

南嶂山前一徑通俄勞絳節引青童先生住此渾

無事銷夏無如學飲虹

匡續

江山猶記昔為秦無復河邊墮履人
楚漢興亡成低事重來早已十三春

張子房

長安雨過少人行簾下雍容揖賈生
一自離群來委羽同誰掃石舉談纓

司馬季王

仙家只養鶴和鸞五彩斑麟帶玉寒
惟有淮王多態色携將鷄犬上雲端

淮南王

雲高已覩鷄鳴去風急猶聞鶴唳來
誰信八公多道術千秋陵谷一時開

八公

原缺

烟月扶輪謝馬蹄朝暎吐錦又聞鷄丹函不用留
兒子藥裏無煩寄老妻

許旌陽二首

金爐夜燠三姑去寶劍朝寒五女來治國當修真
淨業安民須仗大雄才

人間長史信多才天上飛龍舊有媒蜀道秋風黃
葉底一輪明月正當臺

許栖巖二首

銀河白波飄素絲玉簫歌徹青城詞青城丈人去
不返太乙元君空所思

緡雲舊隱沒雲間魏闕留人未許還片雨只宜隨

地委石橋寧是最深山 徐則

無資買藥就神丹勾漏崎嶇往復難且即羅浮磨

寶劍枕榔樹底拜星官 葛洪

七星寶劍夜輝輝五色金丹躍紫微環珮聲中神

女集龍麟隊裏化人歸 鄧去奢

仙家夫婦說劉君吏散衙空笑語聞幾樹碧桃間

白晝一枝皂旆起青雲 劉綱

二十餘年事葛翁朝聞道士訪司空石缸釀酒春

如海探得仙桃顆顆紅 張岳

山中宰相舊逃名何事驅牛入帝城
不悟人間綾被薄安知物外羽衣輕

陶隱居五首

公卿祖帳匝東郊館近華陽第一茅
拂拂清風吹鳳管回回紅日下鸞旂

阿育王山誓戒堅菩提記裏席青蓮
著書浪滿三千卷度世猶須十二年

三層樓閣讀書聲散入松風作太清
剛得蓬萊都水監何辭拜手問門生

神武門前着縞衣空江白水見鷗磯
玉笙吹斷無

人識閑共浮丘跨鶴歸

上帝掄仙不彩名陶家弟子獨桓生昔聞象罔從

空得今見華胥以夢成

桓閭

曾向龍神授秘方因從天子乞雄黃古來材大難
為用惟有蓮花生妙香

孫思邈

堯時曾拜侍中來漢日還從羽獵回聖主欲紆襄

野駕微臣今托後車陪

張果先生三首

侍晏天家三酌多小臣起舞舞遂婆娑集賢失却黃

金榼焚殺六宮飛翠蛾

一蹇隨身每倒騎終南山色照蒼眉因談元狩年
間事願得君王放老麋

道高都水未稱奇名在丹臺信可師欲識仙官竅
佳處長生殿裏誦經時

司馬承禎

蒼霧蒸空跨赤虬嵩高珠幕捲新秋若教再奏清
平調應在瓊山十二樓

李青蓮

浣花溪上少微明萬古猶高水部聲不是儒官多
餓死教渠辟穀論長生

王岐先生

蘇翎見彈為來歸徐羽驚弦又獨飛彤矢如新開

挂壁當年獵火萬重圍

徐佐卿

夢魂無復到黃梁蹤跡浮游老醉鄉三弄笛聲騎鶴去一輪明月浸瀟湘

呂師三首

度盡群生始上仙劍花飛墮酒旗前青樓悶損無人見碧海茫茫何處天

我家東老見君時笑引東床白玉卮不棄貧家能再過傾林作脯釀為池

靜夜雲林出絳河花飄竹杖恣高歌靈丹乞得無人信獨有遼天白鶴過

許宣平二首

李白東游訪逸群新安題壁思如雲山深霧杳清
溪急野火熒熒作紺文

太師坐隱向羅浮北極驅邪志未休手跡寄回佳

子弟劍花飛遶帝王州

顏魯公

天台欲去路如何僕僕先生縣裏過白鶴玄猿啼
不住寒山秋色兩嵯峨

僕僕先生

我愛金華張不同烟霞飛滿棹歌中明朝平望橋

邊度片席飄飄生快風

張志和

花間金字兩行斜秦嶺藍關苦憶家雲水欲教天

外落八千里路不為賒

韓湘子

國子先生千里駒南山深處長青芻鸞情鳳想遺

書在挂杖雲光飛盡無

譚峭

南望天台北會稽四明秀色古今齊自從叅悟長

生訣惟覺青雲白日低

魏伯陽張平叔

花落黃公舊酒壚東風籬草醉呼呼太平幸有閒

田地不省兒曹可喚扶

馬丹陽

龜臺明月照麟文玉女鸞簫賜彩雲不恨中山無

綠耳惟嫌人世少青裙

西母

跳遠凌高一快翎松枝能綠栢能青初逃銀海恬
波浪遂躍瑤空伴日星毛玉姜

涉海求仙事已徂驪山空壑轉金鳧
賤年尚憶嘉平獵守塚猶聞古丈夫秦役夫

主家香霧華山蹊冉冉鸞軒碧宇低空有一雙朱
履在佳人早已到天西南陽公主

許家婢子噉仙桃秦嶺宮人拾澗毛不似緤姑修
苦行湖南湖北一蓬蒿緤仙姑

元暉長日獨登樓琴裏棋邊樂意稠鶴上阿鬟偏

辭妬無心憐取一蓬球

蓬球

仙童何用叱風雷天與文簫玉鏡臺已擗雙雙騎
虎去相應款款駕鸞來

文簫

曾遇仙人萼綠華微吟低掩碧牕紗至今收得金
縑脫獨恨羊權未出家

羅郁

江湄二女酬交甫洞壑群姬賀阮郎垂老尚能為
蔡倩雙雙飛起綉鸞凰

蔡女仙

麗日赭霞映綠苔仙郎笑女捉杯來無端啼鳥生
鄉思從此桃花不忍開

劉晨三首

深山草木盡知春惆悵雲林隔問津
桃子已經三度結桃花猶是去年人

紫淵丹水不尋常何不歸來守洞房
蓮葉縱能浮漢渚桃花依舊笑劉郎

從幸蘭昌近百年再來人恨可憐天
西飛青鳥今猶在阿母遙池何處絃

雲容

鳳髻雲鬟識笑聲霓裳羽服總盈盈
獨憐不及吹

簫伴十二樓中秋月明

裴玄靜

喙鳴詩集卷十八終